

華東卷

【上編】



地

方

志

人

物

傳

記

資料叢刊

國家圖書館編

北京圖書館出版社

【華東卷】

上編

第四九冊

地方志人物傳記資料叢刊

國

家

圖

書

館

編

北京圖書館出版社

第四十九冊目錄

(同治)彭澤縣志

人物.....一

宦業.....二

武功.....三六

忠烈.....三八

孝友.....六七

義士.....八一

儒林.....九四

文苑.....一〇四

篤行.....一二三

隱逸.....一四四

(同治)武甯縣志

人物.....一五一

名臣.....

儒林.....一七九

文苑.....一九四

處士.....二〇四
忠義.....二〇六
孝友.....二一九
善士.....二四九
方技.....三八三
寓賢.....三九五

(同治)星子縣志

人物志.....四〇九

理學.....

名臣.....四一五

宦業.....四一七

儒林.....四三五

文苑.....四四五

忠節.....四五五

孝友.....四六三

義行.....四八一

隱逸.....四九九

方技.....五〇七

流寓.....五一一

殉難.....五三三

彭澤縣志卷之十一

人物

宦業

武功

忠烈

殉難

過節

隱居

義士

儒林

文苑

篤行

隱居

兩大間日星河岳莫不有靈秀之氣存乎其間其洩

之也為忠臣為孝子為義士仁人以及名儒碩彥廉

清隱逸之流皆足以當之古云十里之澤春草生焉

况一邑乎彭澤襟帶江湖山水明秀前賢遺化遺韻

猶存加以我

國家甄陶化育二百餘年知必有鍾毓秀者聯翩

蔚起考文徵獻首紀宦業其有品望允合鄉評學行

見重士類文藻堪傳藝林者莫不詳誌而備錄之志

人物

宦業

宋

張夢祥登宣和六年進士靖康中欽宗北轅夢祥攀從被執不屈金主義而釋之歸隱仁磯終身不仕時人高之稱仁山先生祠鄉賢

元

陶號璿字均政明經修行鄉里推其孝第大德間縣尹曹靖國表薦於朝授本縣主簿祠鄉賢

明

黃信由貢舉入監洪武二十二年任湖廣監察御史歷廣西按察使尋陞湖廣布政使所至有聲晉右副都御

史剛正不屈彭邑德望公爲首稱祠鄉賢

歐陽尙誠賦性孝友值元末兵亂練眾保障鄉人賴以安堵六祖征陳友諒師駐彭澤尙誠率其眾齎牛酒勞師友諒平召至京師錫以開國殊勲匾額復賜聯云大江東去幾千里白下西來第一家卽授世襲本縣令力辭授本縣丞仍賜鐵券銀碗遣歸祠鄉賢

劉隆字尙文本姓王洪武中由貢舉入監授廣州府同知勤於政事擢福建參議未幾調廣西閩之士民慕其愚澤上疏懇留轉陞福建按察使巡視海道備倭甚整冠不敢窺居官三十年清操如一祠鄉賢

劉剛仲性冲澹義不苟取事親曲盡愛敬洪武中舉孝廉

授浙江仁和令清操苦節有范丹之風

柯振祖性穎敏博學善屬文制行剛方不徇時好洪武中

舉賢良方正授湖口學訓諸生肅然

凌守誠洪武間以人材舉用授興化府倉副使以卓異聞
擢知浙江金華府有三異政改知廣東韶州府感上特
知厲精政績擢應天府府尹居官清白宦橐蕭然祠鄉
賢

王奎字友文永樂初舉賢良方正以母老不就後縣乏
令當道檄奎署事時旱魃爲虐奎祈禱精誠入廬山求
水道遇僧沈覺顯爲書二符持歸至縣而雨是歲豐稔
倍常祠鄉賢

周泰亨永樂乙未進士授廣西道御史巡撫直隸湖廣克
振憲度百僚肅清終湖廣按察僉事

呈永樂乙未進士授刑科給事中剛直敢言屢有建
白於朝行已端方士論重之

歐陽剛字元用宏治間由太學生任南京北城兵馬指揮
清慎自持授福建邵武督糧通判轉徐州知州力請解
組歸之日行李蕭然年踰八旬無疾而逝祠鄉賢

艾琳由歲貢任湖廣景陵縣丞致仕生平慎言篤行好
學甘貧祠鄉賢

陶圻字仲廣幼警敏不羣識者覩爲偉器補邑庠生
學馮公大奇之取冠多士正德中以歲貢授順天大興

學訓轉山東商河教諭獎進士類名彥多出其門在商
河有訟子不孝者有弟訟兄者召諭之以孝弟皆感泣
悔過評事劉璿以誑誤杖死櫬歸貧不能葬爲白當道
仍捐已俸助之流賊剽掠商河有二女被執誓死不辱
爲具聞其事表揚之告休歸諸士攀留甚摯圻博學精
書隸所著有五倫箴家禮便宜詠史考正時年六十三
不疾而終邑人舉祀鄉賢商河亦祀名宦祠

丁

湛字子一嘉靖己丑進士擢工科給事中正色立朝
多所建白轉吏科左給奉命典試己亥扈駕南巡條陳
事宜務從簡約官民稱便晉禮科都給事中時嚴嵩當
國湛疏發其奸詔杖闕下幾斃謫理邵武邵士乏科目

久湛爲遷學訓課士風彬彬感惠立祠鐫秩量移南曹
擢四川參議會川東大稜湛多方經畫民賴以生者數
十萬人中丞上其事特賜優獎白草寇川南勢甚熾直
指袁奏遣湛剿撫番人效順補貢所歷郡邑祠祀不絕
已而巡浙海道有剿寇功考績離任四閱月矣黃巖失
守嵩猶追罪之落職家居布衣蔬食淡如也嵩敗當道
交薦起廣西參政尋轉按察使平徭獍之變擢陞河南
巡撫引疾歸居二年危坐中庭與二子剖析陰陽書未
竟而卒祠鄉賢

陶欽夔字克諸母夢日墮懷覺而生嘉靖壬辰進士授大
理評事擢御史世宗幸郢中欽夔以扈蹕行時上方嚴

明羣臣兢兢救過不貲河南御史坐謫戍土命擇可者
以聞眾推欽夔倉卒被命百務倥傯咄嗟以辦豫民不
擾於是上知陶御史賢賜食寵以金幣河南饑欽夔疏
請帑金數萬賑之全活甚多上賜盡心安輯四字褒之
北敵入寇上疏引宋司馬韓范諸公以責嚴嵩語頗切
直嵩啣之遂補太倉兵備時海寇方熾欽夔剿撫多功
外艱起復備兵襄陽五溪蠻弗靖巡撫林雲同以宿望
薦公加參政備兵辰沅欽夔計擒其酋龍許保餘黨悉
遁南土以甯晉湖廣按察使轉河南左布政使疾作告
歸終於家欽夔器宇淵宏機神敏捷遇事持大體不務
苛察在辰五年尤多奇功今洛楚中俱有祠

陳欽泉字克允生而穎異八歲能文日覽千言終身成誦
年十六母喪蔬食三載鄉閭稱之弱冠補弟子員時大
饑卽上書兵憲陳救荒策後師事涇野呂公講陽明之
學呂公器之由是厭薄凡近歸作日新考以驗獨知
然以斯文爲己任嘉靖庚子以禮經魁鄉薦登甲辰進
士授刑部主事改御史因爭辨東廠擅擬人命宦官呼
爲大膽御史庚戌京師戒嚴分守三門運籌巡衛至不
遑食者七日時閉城乏薪水民情洶懼舉力疏請開一
門賴以不困尋奉命募兵徐淮人樂應募旬日得勝兵
數萬事聞上語輔臣曰朕固知其有才也巡撫眞定風
紀獨持生平危言讜論具在奏疏中將膺大用竟以疾

卒於冀州賁志弗終時論惜之

曾

遜本籍九都橋亭人其先曾永四者從常開平王入
郢故子孫世籍郢中爲安陸衛人遜少有大志以聖賢
自期遊庠屢試有聲由貢士授金堂縣尹在任八年政
教大行嘗捐俸以佐民賦民愛之如父母不合上官
然引退行之曰囊橐蕭然士民繪像立祠以曾孫省吾
貴贈工部尙書

歐

號柏菴其先祖奕宋天聖中知江州因

家焉八世祖尚誠從明征僞漢授彭澤縣丞遂世爲彭
澤人一敬生有至性岐嶷不羣登嘉靖己未進士授蕭
山令爲政廉平以愛人爲本民多訟一敬剖決無滯庭

清獄空白奉儉約常祿外一無所取時海寇有警浙總制官嚙命勦捕辱御部縣一敬獨持禮不曲徇取媚總制初欲中售之廉知其賢更寵遇之薦於朝三載績成內召入失慈母爲立祠尸祝既拜刑科給事中劾罷禮部尚書董份遷兵科都給事言廣西總兵不當用勲臣因劾恭順侯吳繼爵罷之以俞大猷代寇入陝西劾總督陳其學巡撫戴才俱奪官又以軍政劾英國公張溶浙江總兵官九人不職俱貶斥世宗覽疏謂輔臣徐階曰此豈歐陽修裔乎何文章氣節多似之也冊封襄藩辭王所餽兼金珍異遣賜於家卒弗受自疏劾貶言官爭發憤議事一敬尤敢言隆慶初遷新庶政有

言官論時事被黜一敬聞而歎曰此豈新政所宜有耶
上章請解已職畀之以通言路時輔臣高拱恃講讀恩
熏炙一時一敬屢劾拱威制朝紳擅權專國亟宜罷黜
已而陳兵政入事部皆議行南京振營兵由是罷去積
患遂除中官呂用等典京營一敬力諫事寢以故直聲
振朝野俄擢太常少卿乞假歸杜門謝客於公府一無
所干己巳京察以清華無忝瑣闥有聲註考劄取供職
明年染疾屢疏乞歸解組南旋行至德州卒年四十有
八生平慷慨有大節諫垣章疏切中時艱位躋要軸卒
之日家無餘貲時論咸痛惜之戊寅督學江公以東朱
公議祀鄉賢

王演疇應斗孫也字孟箕號震澤萬曆辛卯舉人壬辰進士授南京工部營繕司選廣西桂林知府居官廉潔不苟一錢乞休時家無長物惟古書千帙及石刻各大家帖耳居著書善詩賦工真草鑄板刻石實其墨法不減二王著有王氏家訓古學齋醉陶和陶集諸書學政黃汝亨疏請祀鄉賢祠初仕爲甯海令士民感惠立祠曰三王

趙文 字聞仲號曰吾萬曆辛卯舉人戊戌進士素行孝友歷初任刑部主事立朝忠貞不避斧鉞以建言國事不合落職後光宗卽位嘉其忠直賜功在國本匾額贈光祿寺丞祀鄉賢

劉白曦字馭初號赤城萬厯庚子由選貢中式南闈壬戌
成進士選江陰縣令值魏璫崇建生祠曦遂去官起浙
江龍游縣令龍俗苦盜曦以法捕之一時屏跡轉都察
院經歷晉南京兵部武庫司郎中勲戚強宗見曦拱服
撫循衛軍修明器械兩大司馬交疏薦擢浙江參議未
任告老曦素行嚴毅居家孝友每朔望必集鄰里子姪
講聖諭六條殫心易理著易經通解暨時習錄鏡心錄
舉業發機等書癸酉卒於家督學侯公特舉鄉賢浙亦
舉祀名宦

周禮嘉字體亨號筠冲萬厯庚子舉於鄉生而穎異篤孝
友因母老就萬安教諭陞四川江津令清操自持時奢